

Serie A N.º 1175965

SESIÓN ORDINARIA CELEBRADA POLO PLENO DO CONCELLO O DÍA
23 / NOVEMBRO / 2000

SUMARIO

- 1.- APROBACIÓN, SE PROCEDE, ACTAS SESIÓNS ANTERIORES
 - 2.- ACTIVIDADE DE CONTROL DO PLENO
 - 3.- DAR CONTA DE RESOLUCIÓNS DA ALCALDÍA
 - 4.- DAR CONTA DE EXPEDIENTES DE MODIFICACIÓN DE CRÉDITOS NÚMS. 17/00 A 18/00 AMBOS INCLUSIVE.
 - 5.- DECRETO DO PRESIDENTE DA MANCOMUNIDADE DA ÁREA INTERMUNICIPAL DE VIGO, S/AUTORIZACIÓN PRESTACIÓN SERVICIOS DE FUNCIONARIO NA DEVANDITA MANCOMUNIDADE.
 - 6.- DAR CONTA DE RESOLUCIÓN DA ALCALDÍA S/DELEGACIÓN COMPETENCIA PARA A RESOLUCIÓN DE EXPEDIENTES DE REPOSICIÓN DA LEGALIDADE URBANÍSTICA.
- Urbanismo**
- 7.- PROPOSTA DA COMISIÓN INFORMATIVA DE URBANISMO S/ CORRECCIÓN DE ERROS DE GRAFIADO NO DOCUMENTO DAS NORMAS SUBSIDIARIAS DO PLANEAMENTO DE AMBITO MUNICIPAL DE REDONDELA.
 - 8.- PROPOSTA DA ALCALDÍA S/EXPEDIENTE EXPROPIATORIO CASETA RENFE CESANTES.
 - 9.- ROGOS E PREGUNTAS.

ASUNTOS FORA DA ORDE DO DÍA

- A).- MODIFICACIÓN DAS BASES REGULADORAS PARA A CONCESIÓN DE AXUDAS PARA ACTIVIDADES DE PROMOCIÓN DA MULLER NO SEU PUNTO SEXTO.
- B).- ESCRITO VECIÑOS REBOREDA S/SOLICITUDE ESIXENCIAS A C.P.T.O.P.
- C).- MOCIÓN DO BNG S/A COMPENSACIÓN AOS CONCELLOS POLA BONIFICACIÓN FISCAL RECOLLIDA NA LEI DE CONSTRUCCIÓN, CONSERVACIÓN E EXPLOTACIÓN DE AUTOESTRADAS DE PEAXE.

Na Casa do Concello de Redondela, sendo as vinte horas do día vintetrés de novembro do ano dous mil, baixo a Presidencia do Sr. Alcalde, D. XAIME REI BARREIRO, e a asistencia dos/as Sres/as Concelleiros/as: D. MANUEL JAVIER



EL NUMERADO
CORPORACIONES
LOCAIS

NÚÑEZ SALGADO, D. EMILIO GONZÁLEZ IGLESIAS, DONA. M^a DEL PILAR MARTÍNEZ GONZÁLEZ, DONA. M^a DEL CARMEN RODRÍGUEZ CUNHA, D. ALEJANDRO BASTOS FERNÁNDEZ, D. CARLOS GONZÁLEZ FERNÁNDEZ, D^a. M^a. DEL CARMEN RODRÍGUEZ RIVAS, D. MANUEL RAMÓN CONDE ROMERO, D. EMILIO SÁNCHEZ SANTORIO, D^a. AURORA ALONSO MONTEAGUDO, D. JOSE LUIS ALONSO BASTOS, D. MANUEL PUENTES SAAVEDRA, D. LUIS MÍGUEZ BOULLOSA, D. XOSÉ CARLOS PAZOS DOCAMPO, DONA. CECILIA PÉREZ ORGE, D. XOSÉ LUIS GRANDE GRANDE e DONA. ÁNXELES GONZÁLEZ GÓMEZ, asistindo o Sr. Interventor, D. MODESTO SOLLA SANZ, actuando como Secretario o titular da Corporación D. LUÍS TORRADO VÁZQUEZ, constitúese o Pleno do Concello, en sesión ordinaria, conforme á convocatoria e de acordo coa Orde do Día remitida a todos os Sres/as Concelleiros/as, coa antelación legalmente requerida.

A Presidencia declara aberta a sesión en primeira convocatoria, e a instancia do mesmo os membros da Corporación posto en pé gardaron cinco minutos de silencio en homenaxe as vítimas de E.T.A., procedéndose a continuación a tratar os puntos da Orde do Día.-

1.- APROBACIÓN, SE PROCEDE, ACTAS SESIÓN ANTERIORES

Pola Presidencia dase conta de borradores de actas correspondentes ás sesións celebradas os días 22 de setembro de 2000, con carácter extraordinario e urxente, 28 de setembro de 2000, con carácter ordinario, 11 de outubro de 2000, con carácter extraordinario e outro do 11 de outubro de 2000, con carácter extraordinario e urxente, 17 de outubro de 2000, con carácter extraordinario e urxente, 20 de outubro de 2000, con carácter extraordinario e outra do 20 de outubro de 2000, con carácter extraordinario e urxente e 30 de outubro de 2000, con carácter extraordinario e outra de 30 de outubro de 2000, con carácter extraordinario e urxente, manifestando se os/as Sres/as Concelleiros/as teñen algo que alegar para a súa aprobación, se procede.

Concedida a palabra pola Presidencia polo Concelleiro Sr. Pazos Docampo, manifestase que no asunto correspondente o punto trece da acta da sesión ordinaria de data 28-09-2000, na votación dese acordo existe un erro xa que o BNG, faise figurar con tres votos cando na sesión e nes punto asistiron os catro membros do citado grupo municipal.

Asimemo o citado Concelleiro Pazos Docampo, continúa a súa intervención decindo que na acta da sesión extraordinaria e urxente celebrada polo Concello Pleno o día 20 de outubro do ano 2000, no punto 2 referente a escrito da Asociación de Veciños de Chapela s/adopción de medidas tráfico rodado e seguridade vial en Chapela, no folio 3 da citada acta o que fala fai referencia a que se puxera un semáforo novo existindo un erro xa que dixo que se iba a poñer un semáforo, e no folio 4 da citada sesión extraordinaria se sinala unha manifestación do Sr. Sánchez Santorio onde se indica que debe dimitir o equipo de goberno o que non dixo polo mesmo no debate correspondente.

Asimesmo pola Presidencia e con relación co punto 10 da orde do día da sesión extraordinaria celebrada por este pleno o día 11 de outubro do ano que andamos e a petición do mesmo se lle autoriza o Sr. Secretario para que faga unhas manifestación respecto ó mesmo.

Serie A N.º 1175966

Concedida a palabra pola Presidencia polo Sr. Secretario maniféstase a este Concello Pleno, que no día de onte o Sr. Alcalde pediulle aclaracións a este Sr. Secretario de si no asunto referente a proposta da Alcaldía s/constitución sociedade Tanamaño, S.L., incluído no punto 10 da orde do día da citada sesión extraordinaria se tiña informado de ilegalidade acerca do mesmo, xa que se recibira escrito do Sr. Delegado Provincial da Consellería de Xustiza, Interior e Relacións Laborais de data 20 de novembro de 2000, e rexistrada de entrada neste Concello co núm. 7331 de data 21 de novembro de 2000, referente o asunto antes mencionado.

Continúa a súa intervención o citado Sr. Secretario indicando que sorprendido o mesmo ante a pregunta do Sr. Alcalde, inmediatamente respostoulle que no seu informe formulado verbalmente ó pleno en ningún caso indicara que o asunto de referencia estivese en contra da legalidade, pero que iba a comprobar o borrador da acta da sesión correspondente.

Asimesmo polo Sr. Secretario sinálase que revisado o borrador da acta en cuestión comprobouse que no escrito remitido a este Concello polo Sr. Delegado Provincial da Consellería antes citada interesando a ampliación de información respecto a ese punto da sesión extraordinaria mencionada, ó facer referencia ó informe do Sr. Secretario e o final do memo se utiliza o verbo estar en presente de indicativo o que nunca empregou o Sr. Secretario nen consta así no borrador da acta referente a este acordo e que posiblemente as últimas verbas do seu informe se tomen fora do contexto do contido do informe citado, para considerar que fai referencia a unha ilegalidade o que nunca se dixo por parte do Sr. Secretario, ratificándose no contido do seu informe.

Remata a súa intervención o citado Sr. Secretario indicando que no escrito do Sr. Delegado Provincial da citada Consellería, e na transcripción do informe deste Sr. Secretario indubablemente cometeuse un erro o facer figurar indebidamente a palabra "esta" en vez de "esté" que é a que figura no devandito borrador da mentada acta, así como un posible erro de interpretación antes aludido no informe deste Sr. Secretario, que en ningún caso expresou consideracións de ilegalidade respecto o acordo en cuestión, polo que intereso que estas manifestación do Sr. Secretario se recollan na presente acta ó prestar aprobación, se procedera, o borrador da acta da sesión extraordinaria de data 11 de outubro de 2000 que contén o acordo aludido, e sexan remitidas ó devandito Sr. Delegado Provincial como interesaba ó mesmo no seu escrito antes aludido ós efectos procedentes.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación as actas antes citadas, coas salvedades indicadas polo Concelleiro Sr. Pazos Docampo e as manifestación formulados polo Sr. Secretario deste Concello.

2.-ACTIVIDADE DE CONTROL DO PLENO

Ante a solicitude do Concelleiro Sr. Conde Romero para intervir neste punto da orde do Pleno, o Sr. Alcalde se lle da explicacións o citado Sr. Concelleiro en relación cos puntos da orde do día do presente pleno ordinario referentes a actividade e control do pleno e rogos e preguntas, según o Regulamento Orgánico deste Concello do que dá lectura e remata a súa intervención decindo que a intervención do Sr. Conde Romero neste punto debe axustarse a regulación do citado Regulamento Orgánico, e que se ten que facer algunha observación que o faga por escrito.



Concedida a palabra pola Presidencia polo Concelleiro Sr. Conde Romero decindo que ante as dúbidas se lle permita intervir e que indudablemente formularan escrito para conseguir a intervención interesada por este Sr. Concelleiro decíndolle o Sr. Alcalde que pidan un informe ó Ministerio de Administracións Públicas, respecto a poder intervir verbalmente neste punto da orde do día.

3.-DAR CONTA DE RESOLUCIÓNS DA ALCALDÍA

Polo Sr. Alcalde dase conta das resolucións da Alcaldía dende o 22 de setembro de 2000 ata 22 de novembro de 2000.

O Concello Pleno, quedou enterado do contido das Resolucións dictadas.-

4.-DAR CONTA DE EXPEDIENTES DE MODIFICACIÓN DE CRÉDITOS NÚMS. 17/00 A 18/00 AMBOS INCLUSIVE.

Pola Presidencia dase conta ó Concello Pleno dos expedientes de modificación de crédito núms. 17/00, e 18/00.

O Concello Pleno quedou enterado do contido dos citados expedientes de modificación de crédito.

5.-DECRETO DO PRESIDENTE DA MANCOMUNIDADE DA ÁREA INTERMUNICIPAL DE VIGO, S/ AUTORIZACIÓN PRESTACIÓN SERVICIOS DE FUNCIONARIO NA DEVANDITA MANCOMUNIDADE.

Pola Presidencia dase conta de decreto do Presidente da Mancomunidade da Área Intermunicipal de Vigo, de data 26 de outubro de 2000, que dí:

1.- Solicitar do Concello de Redondela a autorización para que o traballador, D. XOSÉ GONZÁLEZ MARTÍNEZ, (D.N.I. 35.981.473-C), pertencente a Escala de Administración Xeral, Subescala Auxiliar-Adtvo daquel Concello, poida continuar no desempeño na Mancomunidade da Área Intermunicipal de Vigo do posto de Director do Servizo de Normalización Lingüística no marco do Convenio de Colaboración suscrito entre a Mancomunidade e a Subdirección Xeral de Política Lingüística da Xunta de Galicia, coas características retributivas e de duración seguintes:

- Duración: Dende a sinatura do convenio ata o remate da súa vixencia o 31-12-2000, o abeiro da prórroga asinada no addenda o convenio entre a Mancomunidade e a Consellería de Educación.
- Remuneración total a cargo da M.A.I.V.: 4.200.000 ptas.brutas.

2.-Autorizar a instrución do pertinente expediente administrativo ós efectos regulamentarios e de xustificación no marco do devandito Convenio de Colaboración suscrito pola Mancomunidade coa Subdirección Xeral de Política Lingüística.

Este Concello Pleno, por unanimidade dos/as Sres/as Concelleiros/as asistentes prestouselle a súa aprobación ó contido do decreto antes transcrito.

Serie A N.º 1175967

**6.-DAR CONTA DE RESOLUCIÓN DA ALCALDÍA S/DELEGACIÓN
COMPETENCIA PARA A RESOLUCIÓN DE EXPEDIENTES DE REPOSICIÓN DA
LEGALIDADE URBANÍSTICA.**

Pola Presidencia dase conta da Resolución da Alcaldía de data 31 de outubro de 2000, que dí:

En uso das facultades que me confiren os artigos 21.3 e 23.2.b) da Lei 7/1985 de 2 de abril, Reguladora das Bases de Réxime Local, según a nova redacción dada pola Lei 11/99 de 21 de abril, e o artigo 43 do Regulamento de Organización, Funcionamento e Réxime Xurídico dos Entes Locais, veño en delegar na Comisión de Goberno, a seguinte competencia:

-Resolución de expedientes de reposición da legalidade por infracción urbanística.

Este Concello Pleno, quedou enterado do contido da resolución antes transcrita.

**7.-PROPOSTA DA COMISIÓN INFORMATIVA DE URBANISMO S/
CORRECCIÓN DE ERROS DE GRAFIADO NO DOCUMENTO DAS NORMAS
SUBSIDIARIAS DO PLANEAMENTO DE AMBITO MUNICIPAL DE
REDONDELA.**

Pola Presidencia dase conta da proposta da Comisión Informativa de Urbanismo na súa xuntanza de data 19 de outubro de 2000, que dí:

Con data 6 de novembro de 1987 aprobáronse definitivamente, por acordo da Comisión Provincial de Urbanismo, as Normas Subsidiarias de Planeamento de Ámbito Municipal de Redondela, téndose publicadas no Boletín Oficial da Provincia nº 85 de 14 de abril de 1988

A documentación grafiada realizouse sobre cartografía a esc 1:5000, e para os planos de detalle, a esc. 1:2000, sobre plano parcelario do Instituto Xeográfico e Catastral.

No transcurso da vixencia das devanditas Normas téñese observado reiterados erros nas parcelas grafiadas, contradicións entre os planos a escala 1:5000 e 1:2000, erros de calificación por mal grafiado das bases, ou ben contradicións entre a realidade e a documentación das normas.

Na súa virtude, e a vista do expediente promovido polo particular que logo se cita e dos informes favorables emitidos polo arquitecto asesor municipal e mailo secretario xeral do Concello a comisión informativa de urbanismo, en votación ordinaria e por unanimidade dos/a Sres/as asistentes, estimou oportuno propoñer ó Concello Pleno a corrección do seguinte erro no Documento das Normas Subsidiarias de Planeamento de Ámbito Municipal de Redondela



EL NUMERADO
CORPORACIÓN
LOCAIS

1) MODIFICACIÓN DO PARCELARIO

1.1.- XUSTIFICACIÓN DA PROPOSTA

Propónse a corrección do erro detectado no grafiado do plano R-1, sinalado e xustificado polo propietario afectado.

1.2).- XUSTIFICACIÓN DA PROPOSTA

O artigo 105.2) da Lei 30/1992, de 26 de novembro, modificada pola Lei 4/1999, dí "As administracións públicas poderán, así mesmo, rectificar en calquera momento, de oficio ou a instancia dos interesados, os erros materiais, de feito ou aritméticos existentes nos seus actos", e por outra banda na Normativa e Ordenanzas das Normas Subsidiarias de Planeamento de Ambito Municipal, no seu artigo 11.3 establece: si se deran contradicións entre o plano e a realidade existe.

1.3).- PARCELA QUE SE PROPON MODIFICAR

De D. Daniel Rodríguez Sotelino, parcela sita na Avda de Santa Mariña, (ó lado da Capela de Santa Mariña) plano R-1 das NN.SS, respetando a aliñación existente.

De acordo coa documentación adxunta.

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

8.-PROPOSTA DA ALCALDÍA S/EXPEDIENTE EXPROPIATORIO CASETA RENFE CESANTES.

Pola Presidencia sinálase a este Concello Pleno, que non estando dictaminado este asunto pola Comisión Informativa correspondente, faise preciso a declaración de urxencia do mesmo.

O Concello Pleno, por unanimidade dos/as Sres/as Concelleiros/as asistentes acordou a urxencia do presente asunto, procedendose a continuación pola Presidencia a dar conta da proposta da Alcaldía de data 17 de novembro de 2000, que dí:

En relación coa caseta de Renfe sita en Cesantes, faise preciso a declaración de utilidade pública e a correspondente expropiación forzosa da mesma ó estar incluída nun proxecto de obra de "Ensanche camiño acceso á praia de Cesantes".

O referido proxecto de obras tería que ser aprobado polo Concello Pleno e sometido ó trámite de información pública polo prazo de 15 días de conformidade co disposto nos artigos 10 e 18 da Lei de expropiación forzosa.

Transcurrido o período de información pública, procede que se dé cumprimento ó disposto no artigo 24 da Lei de Expropiación Forzosa referente á ocupación da citada caseta por mutuo acordo das partes, ou ben acudindo ó trámite de declaración de urxencia da ocupación da mesma a que se refire o artigo 52 da Lei citada o que é competencia da Xunta de Galicia, interesando se faculte ó Sr. Alcalde para os trámites precisos.

Serie A N.º 1175968

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.

9.-ROGOS E PREGUNTAS.

Non se formularon.

ASUNTOS FORA DA ORDE DO DÍA

A).-MODIFICACIÓN DAS BASES REGULADORAS PARA A CONCESIÓN DE AXUDAS PARA ACTIVIDADES DE PROMOCIÓN DA MULLER NO SEU PUNTO SEXTO.

Pola Presidencia se sinala a este Concello Pleno que fora da Orde do día se presentou a este Pleno ordinario proposta de Benestar Social para ser tratada por este Pleno, polo que non estando incluída na presente orde do día será preciso que polo Pleno de adopte acordo respecto da súa urxencia.

O Concello Pleno, por unanimidade dos/as Concelleiros/as asistentes acorda que se declare urxente o asunto antes citado para ser tratado por este Concello Pleno.

A continuación pola Presidencia dase conta de proposta da Presidenta do Consello Sectorial da Muller, dictaminada favorablemente pola Comisión Informativa de Benestar Social, Muller e Xuventude, de data 9 de novembro de 2000, que dí:

Vistas as Bases Reguladoras para a concesión de Axudas para Actividades de Promoción da Muller de data 24 de febreiro de 2000, que recolle no seu punto sexto, o que transcrito dí:

"O prazo de presentación de solicitudes será dende o 31 de xaneiro do 2000 ata o 29 de febreiro de ano 2000. As actividades a subvencionar serán aquelas a realizar entre o 1 de xaneiro e o 15 de decembro do ano 2000".

Esta Presidenta do Consello Sectorial da Muller-Concelleira da Muller PROPON:

Primeiro.- Iniciar a tramitación do expediente de modificación do punto sexto das Bases Reguladoras para a concesión de Axudas para Actividades de Promoción da Muller e elevar a presente proposta ó Concello Pleno para a súa aprobación.

Segundo.- A modificación do punto sexto das Bases Reguladoras para a concesión de Axudas para Actividades de Promoción da Muller, substituíndo o texto anteriormente indicado polo texto que seguidamente se transcribe: "O prazo de presentación de solicitudes será dende o 1 ata o 30 de decembro do ano anterior á realización das actividades. O prazo de realización das devanditas actividades a subvencionar será entre o 1 de xaneiro e o 15 de decembro de cada exercicio".

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á proposta antes transcrita.



B).-ESCRITO VECIÑOS REBOREDA S/SOLICITUDE ESIXENCIAS A C.P.T.O.P.

Pola Presidencia se sinala a este Concello Pleno que fora da Orde do día se presentou a este Pleno ordinario escrito asinado por veciños de Reboreda sobre solicitude esixencias á C.P.P.O.P. para ser tratado por este Pleno, polo que non estando incluído na presente orde do día será preciso que polo Pleno de adopte acordo respecto da súa urxencia.

O Concello Pleno, por unanimidade dos/as Concelleiros/as asistentes acorda que se declare urxente o asunto antes citado para ser tratado por este Concello Pleno.

A continuación pola Presidencia dase conta do escrito presentado pola Asociación de Veciños "Santopaio" e demais colectivos que asinan a baixo, de data 21 de novembro de 2000, que dí:

"Ao ter coñecemento do proxecto de mellora da estrada P0-250 desde Redondela a Pazos de Borbén, sorprendemonos ao saber que o referido proxecto non inclúe a urbanización das zonas urbanas polas que discurre na parroquia de Reboreda. Tendo en conta o perigo que supón o alto volume de vehículos que hoxendía circula entre Pazos e Redondela, atravesando unha zona miu povoada e que ten á su beira un colexio público, un centro cultural e social, xunto a moitos establecementos hoteleiros e centros de traballo, é preciso modificar e mellorar o proxecto para dotar á referida estrada das necesarias medidas de seguridade para os viciños e viciñas da parroquia.

Por todo isto as asociacións que asinamos abaixo ao Pleno da Corporación Solicitamos:

Que esixa á C.P.T.O.P. e V. que o proxecto de mellora da estrada P0-250 entre Redondela e Pazos de Borbén comprenda a ampliación da ponte sobre o río Alvedosa en Redondela, a construción de beirarruas desde a Praza de Ribadavia até a última casa da parroquia, e a sinalización horizontal e vertical necesarias para facer máis segura a devandita vía".-

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación o escrito antes transcrito.

C).-MOCIÓN DO BNG S/A COMPENSACIÓN AOS CONCELLOS POLA BONIFICACIÓN FISCAL RECOLLIDA NA LEI DE CONSTRUCCIÓN, CONSERVACIÓN E EXPLOTACIÓN DE AUTOESTRADAS DE PEAXE.

Pola Presidencia dase conta da moción presentada polo Grupo Municipal do BNG, en data 23 de novembro de 2000, que dí:

"O artigo 12.a) da Lei 8/1972, de 10 de maio, de Construcción, Conservación e Explotación de Autoestradas de Peaxe -e que leis posteriores mantiveron-, recolle unha bonificación fiscal que impede aos concellos, polos que discorre o trazado de autoestradas de peaxe, recibir ingresos das empresas concesionárias das mesmas.

O Goberno do Estado, tanto na Lei de Orzamentos Xerais de 1999 como na súa

Serie A N.º 1175969

homónima de 2000, estableceu o compromiso de lle remitir ao Congreso dos Deputados un estudo indicando as fórmulas para compensar aos concellos afectados pola bonificación fiscal citada.

O pasado 10 de xullo, remite-se ao Congreso un informe que, en lugar de propoñer as fórmulas necesarias para satisfacer as compensacións aos concellos, ven a incumprir os mandatos legais recollidos nas leis de Orzamentos do Estado de 1999 e 2000. Deste xeito, conclue o informe declarando que non son compensábeis as bonificacións das que disfrutaban as concesionárias e os treitos de autoestrada construídos antes do 31 de decembro de 1989.

Mais, esta conclusión é abertamente ilegal ao extralimitar-se do ámbito definido por uns preceitos que daban por feito o dereito a compensación aos concellos afectados e procuraba as vías para efectualá-la. Preceitos introducidos nos orzamentos do Estado de 1999 e 2000, baixo as premisas anteditas e co beneplácito do PP e representantes do Goberno que hoxe non reparan en contradicer.

É por isto que, o Grupo Municipal do BNG presenta esta Moción para lle solicitar ao Pleno da Corporación Municipal a adopción do seguinte

ACORDO

Ao abeiro do establecido na Disposición Adicional 23ª da Lei de Orzamentos Xerais do Estado para 1999 e da Disposición Adicional 26ª da Lei de Orzamentos Xerais do Estado para 2000, o Pleno da Corporación Municipal dirixe-se ao Ministerio de Facenda co fin de esixir a compensación económica á que o noso Concello ten dereito".

Este Concello Pleno, por unanimidade dos/as Sres/as Concelleiros/as asistentes acordou prestarlle a súa aprobación á moción antes transcrita.

E, non habendo máis asuntos que tratar, pola Presidencia dase por rematada a presente sesión, sendo ás vinte horas e cuarenta minutos da data fixada no encabezamento, en proba de todo o que, se estende a presente Acta, que se inscribiu no Libro dende o folio cincuenta e sete do Papel Timbrado da Comunidade Autónoma de Galicia, Serie A nº 1175965, ata o folio sesenta e un, Serie A nº 1175969, de todo o que, como Secretario, DOU FE.-

O ALCALDE

O SECRETARIO

Asdo: Xaime Rei Barreiro

Asdo: Luís Torrado Vázquez

EL NUMERADO
CORPORACIONES
LOCAIS